

Մի երրորդ արարողութիւն ևս կայ, որ մկրտութեան է նմանվում: Երբ երեխան ծնվում է նորա համար գտնում են մի կնքաւոր, որին յանձնում են մի ընկոյզ: Անքաւորը պարտական է ընկոյզը պահել մինչև երեխի ինքնաճանաչութեան հասակի չափին: Այն ժամանակ կնքաւորը կժողովէ երեխին, նորա ծնողներին և ազգականներին, կը կոտրէ յանձնուած ընկոյզը կ'ուտացնէ նորանից երեխին և բոլոր ժողովածներին: Այնուհետև երեխան համարվում է կատարեալ մարդ և այնուհետև միայն իրաւունք ունի արարողական մատաղի բաժանմանը հաղորդակից լինել:

Ուշագրութեան արժնի է Գարա—Գոյունցոց նուիրական սօսի ծառերին կատարած ուխտը: Այդ ծառի տակին նոքա հաւաքվում են օրերը տօնելու. ճրագ, մօմ են վառում, խունկ են ծխում, մատաղ են անում: Այդ ուխտատեղիներին նրանք անուանում են «Ղարա—օղլան» բառ առ բառ թարգմանութիւնը Վասպուրական հայերի «թուխ—մանուկ» բառին: Հայերի մէջ բացի վանական ուխտատեղիները, կան երկրորդական ուխտատեղիներ. գոքա են քանդուած եկեղեցիների վերայ շինած մատուռները, ժայռերի միջի ծերպերը, ուր ճրագ, մօմ են վառում, խունկ են ծխում: Ջերմախտի ջրերը, ուր լողանում են ջերմողները, ծառեր, որոնց օտերի վե-